



Broj/ Број : 02/2-50-1-13-49-7/06  
Sarajevo/ Сарајево : 16.5. 5. 2006.

## **Z A P I S N I K**

### **49. sjednice Komisije za vanjsku i trgovinsku politiku Doma naroda Parlamentarne skupštine BiH održane 25.4. 2006. godine**

Četrdesetdevetu sjednicu Komisije za vanjsku i trgovinsku politiku Doma naroda Parlamentarne skupštine Bosne i Hercegovine sazvaio je predsjedavajući Komisije Hasan Čengić.

Sjednici su prisustvovali svi članovi Komisije: Hasan Čengić, Vinko Radovanović, Velimir Jukić, Osman Brka, Anto Spajić i Ruža Stojanović, kao i Nevenka Savić, sekretar Komisije.

Sjednici su u svojstvu predstavnika predlagača prisustvovali Namik Kupusović i Izet Bajrambašić iz Ministarstva komunikacija i prometa, Miroljub Krunić iz Ministarstva finansija i trezora i Goran Čerkez iz Ministarstva zdravlja Federacije BiH..

Sjednicom je predsjedavao predsjedavajući Komisije Hasan Čengić. Nakon što je konstatirao da postoji kvorum, predsjedavajući Komisije je predložio sljedeći Dnevni red:

## **D N E V N I R E D**

1. Usvajanje Zapisnika sa 48. sjednice Komisije;
2. Prijedlog zakona o izmjeni Zakona o slobodi pristupa informacijama u Bosni i Hercegovini – predlagač Predstavnički dom;
3. Izvještaj o aktivnostima na Projektu “Autoput na koridoru 5c” – predlagač Ministarstvo komunikacija i prometa;
4. Davanje saglasnosti za ratifikaciju Ugovora između Vijeća ministara BiH i Vlade Republike Hrvatske o plovidbi plovnim putevima unutrašnjih voda i njihovom obilježavanju i održavanju - predlagač Predsjedništvo BiH;
5. Davanje saglasnosti za ratifikaciju Ugovora između Bosne i Hercegovine i Republike Slovenije o pravnoj pomoći u građanskim i krivičnim stvarima – predlagač Predsjedništvo BiH;
6. Davanje saglasnosti za ratifikaciju Ugovora o izmjenama i dopunama na Ugovor o razvojnom kreditu – Projekat tehničke pomoći u oblasti socijalnog osiguranja između Bosne i Hercegovine i Međunarodne asocijacije za razvoj - predlagač Predsjedništvo BiH;

7. Davanje saglasnosti za ratifikaciju Ugovora između Bosne i Hercegovine i Republike Makedonije o međusobnom uređenju imovinsko-pravnih odnosa - predlagač Predsjedništvo BiH;
8. Tekuća pitanja.

Dnevni red je jednoglasno usvojen

### **Ad 1. Usvajanje Zapisnika sa 48. sjednice Komisije**

Zapisnik sa 49. sjednice Komisije jednoglasno je usvojen.

### **Ad 2. Prijedlog zakona o izmjeni Zakona o slobodi pristupa informacijama u Bosni i Hercegovini – predlagač Predstavnički dom**

Predsjedavajući g. Čengić je konstatirao da nije prisutan predstavnik predlagača, ali je razlog vjerovatno istovremeno održavanje sjednice Predstavničkog doma. Većinom glasova (g. Brka je bio protiv) odlučeno je da se o Prijedlogu zakona raspravlja u odsustvu predstavnika predlagača.

G. Čengić je objasnio potrebu koja se ukazala za donošenjem ove izmjene sa ciljem da ovaj Zakon uskladi sa pozitivnim zakonskim propisima iz oblasti upravnog postupka i upravnog spora.

Nakon toga, članovi Komisije su jednoglasno usvojili principe zakona. Konstatirano je da amandmana na zakon nije bilo. Komisija je, zatim, jednoglasno usvojila tekst Prijedloga zakona o izmjeni Zakona o slobodi pristupa informacijama u Bosni i Hercegovini u predloženom tekstu, te predložila Domu naroda Parlamentarne skupštine BiH njegovo usvajanje.

### **Ad 3. Izvještaj o aktivnostima na Projektu “Autoput na koridoru 5c” – predlagač Ministarstvo komunikacija i prometa**

U svojstvu predstavnika predlagača Izvještaj su prezentirali i na pitanja članova Komisije odgovarali G. Kupusović i g. Bajrambašić. U prezentaciji Izvještaja, g. Bajrambašić je rekao da sadrži trasu, finansijski dio, elemente predfizibiliti studije, zaključke Konferencije i podjelu projekta po lotovima.

U diskusiji povodom Izvještaja, g. Brka je izrazio kritiku zbog sporosti u realizaciji cijelog projekta, kao i zbog izlaza na Jadransku magistralu na teritoriji Ploča, a ne Neuma. G. Bajrambašić je odgovorio da je BiH zemlja u Regionu koja je najbrže uradila potrebnu dokumentaciju, međutim, kasno je, tek 1998. godine projekat počeo. Stvarni početak je nastao 2004. godine od kada datira Odluka Vijeća ministara BiH o korištenju sredstava od GSM licence. G. Čengić je rekao da upućivanje ovakvog izvještaja prema Parlamentarnoj skupštini BiH predstavlja neozbiljan čin. Iz Izvještaja nije jasna metodologija kojom će se proces voditi, ko je odgovoran za koji dio posla, koji model finansiranja će biti izabran, odnosno hoće li BiH sama finansirati ili će nekome izvana biti prepušteno da realizira projekat, odnos Ministarstva i Vijeća ministara BiH, Izvještaj sadrži podatke zaključno sa prošlom godinom, dakle neažuran je, zabrinjavajuće je da nedostaje pravni okvir za realizaciju projekta. G. Bajrambašić je odgovorio da je Ministarstvo nadležno za izradu idejnog projekta, projekta zaštite okoline i fizibiliti studiju. Za izradu glavnog projekta potrebna je saglasnost entitetskih ministarstva prostornog planiranja. G. Bajrambašić je istakao da je Ministarstvo utvrdilo trasu, cijenu, interne stope povrata sredstava, što je bitno za finansijere, geološka i geomatička istraživanja, itd. U pogledu utvrđivanja trase, g. Bajrambašić je rekao da dionica od nekih 20-tak kilometara još nije određena, ali je prijedlog

morao biti utvrđen da bi se moglo pritupiti realizaciji idejnog projekta. U pogledu stepena završenosti poslova za koje je zaduženo Ministarstvo, g. Bajrambašić je rekao da je predfizibiliti studija završena u februaru, idejni projekat je djelimično gotov, a sredinom godine bi svi ostali, do sada započeti poslovi u nadležnosti Ministarstva, trebali biti završeni.

Na kraju diskusije, članovi Komisije su jednoglasno donijeli sljedeće zaključke:

1. Da se od Ministarstva komunikacija i prometa zatraži da se Izvještaj ažurira u svim segmentima sa 20. aprilom 2006. godine;
2. Da se odgovori na važna pitanja postavljena na sjednici Komisije ( nedostajuća pravna regulativa, trasa, model realizacije projekta, prostorni planovi, itd.)
3. Da Ministarstvo sačini akcioni plan od sada do početka radova uz navođenje nosilaca aktivnosti. U plan uključiti i Parlamentarnu skupštinu BiH gdje je to potrebno.

Takođe je odlučeno da se narednoj sjednici Komisije donese odluka oko prihvatnja Izvještaja.

#### **Ad 4. Davanje saglasnosti za ratifikaciju Ugovora između Vijeća ministara BiH i Vlade Republike Hrvatske o plovidbi plovnim putevima unutrašnjih voda i njihovom obilježavanju i održavanju - predlagač Predsjedništvo BiH**

Predsjedavajući g. Čengić je govorio o odredbama Ugovora. Istakao je da Ugovor uobičajen, jasan, precizan i sastavljen na bazi reciprociteta zemlja potpisnica.

Članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Ugovora.

#### **Ad 5. Davanje saglasnosti za ratifikaciju Ugovora između Bosne i Hercegovine i Republike Slovenije o pravnoj pomoći u građanskim i krivičnim stvarima – predlagač Predsjedništvo BiH**

Predsjedavajući Komisije, g. Čengić je podsjetio da je ovaj Ugovor već razmatran na Komisiji, ali je tom prilikom izjašnjavanje odgođeno zbog neregipročnog položaja advokata iz dvije zemlje potpisnice Ugovora. U međuvremenu je Komisiji stigao dopis kao odgovor na traženje Komisije iz Ministarstva pravde u kome se predlaže da Komisija da saglasnost za ratifikaciju Ugovora uz izuzeće spornog stava 3. člana 1. kako je prethodno učinio Predstavnički dom i Parlament Slovenije.

Članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Ugovora između Bosne i Hercegovine i Republike Slovenije o pravnoj pomoći u građanskim i krivičnim stvarima, uz uvjet da se briše stav 3. člana 1. Ugovora.

Komisija je usvojila Zaključak da se Ministarstvu pravde uputi dopis u kome će se izraziti nezadovoljstvo zbog neažurnosti materijala i nestručnosti predlagača prilikom procedure ratifikacije Ugovora.

## **Ad 6. Davanje saglasnosti za ratifikaciju Ugovora o izmjenama i dopunama na Ugovor o razvojnem kreditu – Projekat tehničke pomoći u oblasti socijalnog osiguranja između Bosne i Hercegovine i Međunarodne asocijacije za razvoj - predlagač Predsjedništvo BiH**

O Ugovoru je govorio g. Krunić u svojstvu predstavnika predlagača. On je pojasnio da se radi o povećanju iznosa kredita za tehničku pomoć u socijalnom sektoru. Kreditni uslovi ostaju neizmjenjeni. O Ugovoru je govorio i g. Čerkez u svojstvu predstavnika entitetskih ministara zdravstva. On je iznio stav da dalje kreditno zaduživanje u ovu svrhu nepotrebno i naglasio da je to stav resornih ministara entiteta. G. Krunić je kao predstavnik ovlaštenog predlagača rekao da nisu stečeni formalni uvjeti za povlačenje prijedloga, jer Ministarstvo nije pismeno obavješteno o ovom stavu.

Članovi Komisije su jednoglasno usvojili sljedeće zaključke:

- da se entitetskim vladama upute dopisi u kojima će se zatražiti stav o ovom Ugovoru,
- da se uputi dopis Vijeću ministara BiH u kojem će se iznijeti gore pomenuta situacija i zatražiti stav po ovom pitanju.

## **Ad 7. Davanje saglasnosti za ratifikaciju Ugovora između Bosne i Hercegovine i Republike Makedonije o međusobnom uređenju imovinsko-pravnih odnosa - predlagač Predsjedništvo BiH**

G. Čengić je ukratko prezentirao odredbe Ugovora pozdravivši njegovo potpisivanje.

Nakon toga, članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Ugovora.

## **Ad 9. Tekuća pitanja.**

Rasprava nije vođena.

Predsjedavajući Komisije  
Hasan Čengić, s. r.